

# Mammografi Norrbottenissa

**Region Norrbottenin mammografiyksikkö suorittaa kliinistä toimintaa ja tekkee terhveyskontrollia.**

Kliininen toiminta on Luulajan Sunderbyn sairaalassa.

Terhveyskontrollit (screening), jotka aiemmin tehtiin suureks osaks mubiiliyksiköissä tulthaan jatkossa tekemhään Jellivaaran, Kainhuun, Kirunan, Piitimen ja (2023 vuen jälkhiin) Sunderbynin sairaoloitten vakituissessa mammografiyksiköissä. Katto lisätietoja alta. Jossaki taphauksissa tarjothaan yhen välikauven aikana screeningi mubiili yksiköissä.

Kaikki Norrbottenin 40–74-vuotihaat vaimot saavat kuttun terhveyskontrolliin postin kautta. Jos aika ei sovi: lue alta jälleavista perruutuksista ja uunen aijan varrauksesta.

## Vebbivarraus

Sinun kontrolliaijan vebbivarrausta varten sulla häätty olla BankID. Ota yhteyttä sinun pankin kans, jos sulla ei ole sitä.

Ensin sie häyt löytää ja lisätä sinun vasthaanoton sivule [1177.se](https://1177.se). Sie tehet sen helpola vebbilukijalla tietokonheessa, mubiilissa eli surfiplatassa, käyttämällä Vårdguiden e-palveluita sivula [1177.se](https://1177.se) eli lattaamalla alas 1177 Vårdguiden apin.

1177 Vårdguiden on tion ja palveluitten kokouspaikka terhveyvessä hoijossa. Tietoja sivula [1177.se engelskaks](https://1177.se/engelskaks).

- Lokkaa sisäle [1177.se](https://1177.se) BankID:lä.
- Valitte Löyä ja lissää otsikon alle Vasthaanotot.
- Hae mammografia (altternatiivi vain mammo).
- Valitte se vasthaanotto, joka on mainittu ilmoituksessa.
- Valitte Lissää vasthaanotto niin sinun vasthaanotto säästethään.

Jos sulla on prupleemia sisäle lokkaamisessa se voipi olla muun muassa sen takia ette sinun laitheen asetukset on väärät eli vika siinä vebbilukijassa mitä sie käytät. Sie saat apua telefooninumerola 0770-72 00 00 joka päivä kello 6.00-22.00.

## Perruuta eli varraa uuesti

Aijan perruutus ja uunen aijan varraus saatethaan tehä viimisthään 24 tiimaa ennen suunniteltua tutkimusta.

- Lokkaa sisäle [1177.se](https://1177.se) BankID:lä.
- Valitte sinun vasthaanoton (mammografi).
- Jos haluat perruuttaa eli varata uunen aijan, klikkaa länkhiin Av/omboka tid direkt (Perruuta/uusvarraus suorhaan).
- Sinun varattu aika tullee näkyväks.
- Valitte, jos sie haluat perruuttaa eli varata uunen aijan, ja seuraa ohjeita, siihen asti ette sie saat vahvistuksen perruutuksesta eli uuesta varrauksesta.

Uunen aijan varraaminen on maholista, johonki muihinki mammografian paikhoihin.

Jos myöhempi perruutus eli uunen aijan varraus, ole hyvä ja ota yhteyttä meihin telefoonin kautta. Sie saat yhteyttä meihin telefoonila 0920-28 28 42. Sie jätät sinun telefooninumeron ja saat sitten aijan, koska sulle soitethaan.

## Erikoisia tarpeita

Ota yhteyttä meihin, jos sulla on jokin toimintarajote, tarttet tulkkia eli jos sie imetät eli olet raskhaana. Kerro meile, vaikka sie olet jo tehny mammografian viimi kuuen kuukauven aikana eli jos sulla on molemat rinnat on poistettu.

## Täälä on vakituiset mammografian yksiköt

- **Kirunan sairaala** - Tänne sinua kuttuthaan, joka asut Kirunan kunnassa. Väliaikana kevväilä 2022 sinua kuttuthaan mubiili vaunhuun. Lue tarkoin sinun kuttua, jos sie aiot tehdä screeningin mubiili vaunussa eli vakituuisessa yksikössä.
- **Jellivaaran sairaala** - Tänne sinua kuttuthaan, joka asut Jellivaaran, Jokkmokin ja Pajalan kunnissa.
- **Kainhuun sairaala** – Tänne sinua kuttuthaan, joka asut Kainhuun, Ylikainhuun, Övertorneån ja Haaparannan kunnissa. Väliaikana kevväilä 2022 sinua kuttuthaan muubiili vaunhuun.
- **Piitimen sairaala** - Tänne sinua kuttuthaan, joka asut Piitimen, Arjeplogin, Arvidsjaurin ja Älvsbyn kunnissa.
- **Sunderbyn sairaala** - Tänne sinua kuttuthaan, joka asut Luulajan ja Bodenin kunnissa, suunnitelman mukhaan staarttivuona 2023. Väliaikana jatkuvasti siihen asti Luulajassa tehään terveyskontrollia Stadsvikenin terveyskeskuksessa ja Bodenissa siinä mammografivaunussa joka on sinne asetettu.

## Muita kieliä

Informasjuunia monela kielilä mammografista ja siitä mammografian terveyskontrollista sie saat sivula 1177.se.

[Suomen käänöksele](#)

[Muila kielilä](#)

[Mammografi helpola ruottin kielelä](#)

## Covid-19

Onkos sulla nuhan symtoomia, feeberi, henkimisvaikeuksia eli yskä? Soita sen eestä silloin meile ette saa neuvoja ja varata uuvan aijan telefoonila 0920-282842 eli varraa uuvan aijan [1177 Vårdguidenin e-palveluitten](#) kautta verkkosivula 1177.se.

Covid-19:n vuoksi met pyyämä sinua tulla just ennen sinun varattua aikaa. Tämä on erityisen tärkeä, jos sie vieraillet mammografivaunussa, koska oottohuoneen tila on pieni ja sie saatat joutua oothaan ulkona.

## Mammografiyksiköstä

Region Norrbottenin mammografiyksikkö tekkee kliinistä toimintaa ja terveyskontrollia.

Vaimot ikäluokissa 40-74 kuttuthaan terveyskontrolliin Jellivaaran, Kainhuun, Kirunan, Piitimen ja Sunderbynin sairaalhoiin. Luulajassa tulthaan väliaikana tekheen terveyskontrollia Stadsvikenin terveyskeskuksessa ja Bodenissa mammografivaunussa, joka on sinne asetettu.

Kliininen toiminta on Luulajan Sunderbyn sairaalassa. Sielä met tutkima sinua, joka tulet saamhaan toisen kutun screeningistä, mutta kans sinua, jolla on rinnoissa symtoomia, joka olet saanu remissin sinun läkäriltä eli joka olet ottaanu yhteyttä meihin suorhaan.

Jos sulla on vaivoja eli tunnet yhen kluvun, sie voit ottaa yhteyttä meihin mammografissa ja saa neuvoja, telefontia 0920-28 28 42.

Vältä parfyyymiä, tuoksuvaah ihovoijetta ja samanlaista sellaisia käynnin aikana.

Tällä hetkelä kehotama sinua käythään suumaskia, kun vieraillet hoitoa. Met kehotama kans, ette sie tulet aika lähelä ennen sinun varattua aikaa.